



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Dicunt Missam esse abominationem. tit. 294

urn:nbn:de:hbz:466:1-29452

diuidebant in duas portiones sacramentum, Luterani sine adoratione & honore habent, &c. & sic omnes sectæ bellum mouent de sacramento. At catholici credunt ibi esse corpus & non panem, Deum cū corpore: idē adorant Deum, credūt propter Dei verbum, ibi esse & manere verum consecratum sacramentum, etiam extra vsū. Hæc cū clara sint ex scripturis & testimonio veteris Ecclesiæ, non est iustus recessus sectariorum à communi Ecclesia.

*DICUNT MISSAM ESSE
abominaciones.*

TITVLVS CCXCIIII.

Causa 5



VINTAM causam recessus à communi Ecclesia, pretendūt sectæ esse abominationem Missæ. Nam Christus dixit, Matth. 26. Accipite & comedite, &c. scilicet vt aliquid consequamini per hoc, id est, remissionem peccatorum & vitam æternam. Lædē pro testamento relinquo vobis corpus & sanguinem meum, vt quoties sumitis, habeatis remissionem peccatorum, &c. At Papistæ faciunt ex Missa sacrificium nouū & singulare quod offerunt Deo quotidie, vt ipsi per hanc Missam mereantur sibi & alijs remissionem peccatorum, viuis & mortuis ex opere operato: nolunt recipere gratis, sed mereri gratiam & omnia dona per Missam. Nesciunt differentiam inter sacramentū, in quo nos aliquid recipimus: & sacrificiū, in quo nos aliquid Deo damus. Nos in Missa nostra communicamus populum, &c. hæc illi.

Primò notandum, quod Missa est instituta & seruatur in Ecclesia Catholica tribus de causis. Primò, ad memoriam passionis Christi, nè quis illius obliuiscatur, Lucæ. 22. Secundò, ad percipiendum corpus & sanguinem Christi, vt Christus in nobis semper maneat, Ioann. 6. & in fide eius contra omnia opera diaboli

diaboli confortet, nè iterum à fide labamur, vt que nobis distribuat meritum passionis Christi, id est, remissionem & salutem, quæ nobis in cruce meruit. Postremò, ad gratias agendum Deo & filio eius Iesu Christo pro collatis beneficijs, quia pro nobis redimendis à vinculis sathanæ & peccatorum, corpus & sanguinem atque vitam obtulit. Rom. 8. Proprio filio suo non pepercit Deus, sed pro nobis omnibus &c.

Secundò, neque opus Missæ, neque cõmunio corporis & sanguinis Christi meretur ex opere operato remissionem peccatorum, sicut & nullum aliud sacramentum meretur remissionem, sed Deus per sacramenta tanquàm media operatur gratiam & remissionem in credente, sicut aqua Baptismi nõ tollit peccata, sed Deus per baptismum, Ioan. 1. Hic est qui baptizat. Sic non opus Missæ aut cõmunio meretur remissionem, sed fides passionis Christi apprehendit, non meretur, virtutem passionis Christi, id est, remissionem, gratiam & gloriam dat Dominus, Psalmodum. 83. non opus Missæ aut cõmunionis. Nec Christus mandauit vt vtamur hoc sacramento ad remissionem peccatorum, sed ad memoriam passionis suæ, id est, quòd hanc pertulit pro peccatis nostris, & ob nullam aliam causam, quoniam ipse peccatum non fecit, 1. Petri. 2. Non igitur corpus & sanguis Christi testamentum, neque promissio remissionis peccatorum, quoties quis vtatur, sed potius testamenti noui, id est, totius Euangelij confirmatiuum, sicut legis Moysaicæ sanguis animalum, Exod. 24. erat. Fides igitur passionis Christi, non Missæ, nec opus cõmunionis meretur remissionem, Matthæi, 26. Hoc est corpus meum, Hic est sanguis meus, &cæt. Hæc oportet credere.

Tertiò, Christus se semèl obtulit cruento & poenali modo, sicut Prophetæ prædixerunt, Esaiæ. 53. Vulneratus & occisus est propter peccata. Sic etiam

SSf 5 exposuit

exposuit discipulis, Lucę. 24. Oportuit sic pati Christum, & interpretabatur illis scripturam, Prophetas & Psalmos, &cæt. hoc modo amplius non moritur, nec offertur, Romano. 6.

Secundò, obtulit se in cœna patri spiritualiter, nõ pœnaliter, vt satisfaceret scripturæ, Psalmo. 109. Tu es sacerdos in æternum secundum ordinem Melchisedech, & hanc formam sic patri ipsum offerendi instituit & commisit in cœnadiscipulis & sacerdotibus. Luc. 22. Hoc facite in meam commemorationem, & sic Missa nõ est pœnale, non nouum, aut singulare sacrificium, quod mereatur viuis & defunctis remissionem, sed est memoria cruenti & pœnalis Christi sacrificij in cruce. Subinde impletio præcepti Christi, scilicet, vt offeratur patri mysticè, iuxta ordinem Melchisedech, & sic dicitur sacrificium duplici causa, quia memoria sacrificij crucis. Secundò, quia idem corpus & sanguis in substantia immortaliter hic est, sicut in cruce: licet alius sit modus offerendi, & in tali sacrificio, id est, Missa, petimus non meremur remissionem, sed distributionem & participationem petimus sacrificij crucis, vt Deus pater propter vnicum sacrificium Christi dignetur misereri viuis & defunctis. Petitio Missa est, non meritum.

Quartò, ex prædictis liquet, quod Missa nõ est abominatio, sed opus sanctum à Christo institutum & præceptum: subindè, quod non meretur remissionem peccatorum, sed petitio est, vt distribuatur à Deo propter sacrificium crucis. Tertio, quod est spirituale sacrificium, habens secum multas orationes, quas Deo offerimus pro viuis & defunctis, & omni statu, &cætera. & sic SS. Patres vsi sunt Missa, non habent ergo sectæ iustam causam sui recessus, &cæt.

VITA MALA PRÆ-
latorum.